

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
GRAD BIHAĆ  
GRADONAČELNIK

Broj:  
Datum:

Na osnovu člana 183. stav (2) Poslovnika Gradskog vijeća Bihać („Službeni glasnik Grada Bihaća“ broj 03/16) gradonačelnik u svojstvu predlagača propisa i drugih akata

## O d r e đ u j e

Izvjestioca: Sinhu Kurbegović, sekretara gradskog organa uprave , na sjednici Gradskog vijeća i radnim tijelima po prijedlogu tačke dnevnog reda:

- Prijedlog za promjenu Statuta Grada Bihaća

Gradonačelnik:

Šuhret Fazlić

FEDERACIJA BOSNE I HERCEGOVINE  
UNSKO-SANSKI KANTON  
GRAD BIHAČ  
GRADONAČELNIK

Broj:  
Datum:

Gradsko vijeće Grada Bihaća  
Predsjedavajući Gradskog vijeća  
n/r Handukić Zulfikar

Na osnovu člana 148. stav (2) Statuta Grada Bihaća („Službeni glasnik Grada Bihaća“ broj 13/15 i 18/15) i člana 137. Poslovnika Gradskog vijeća Bihać („Službeni glasnik Grada Bihaća“ broj 3/16) gradonačelnik Grada Bihaća podnosi prijedlog za ptomjenu Statuta Grada Bihaća uz slijedeće

### O b r a z l o ž e n j e

#### I PRAVNI OSNOV

Pravni osnov za promjenu Statuta Grada Bihaća sadržan je u članu 13. Zakona o principima lokalne samouprave Federacije Bosne i Hercegovine („Službene novine Federacije BiH“ broj 49/06 i 51/09) kojim je propisano da Gradsko vijeće u okviru svoje nadležnosti priprema i dvotrećinskom većinom glasova usvaja statut jedinice lokalne samouprave, člana 35. tačka a) Statuta Grada Bihaća kojim je propisano da Statut Grada donosi Gradsko vijeće i članu 148. stav (2) Statuta Grada Bihaća („Službeni glasnik Grada Bihaća“ broj 13/15 i 18/15) kojim je propisano da prijedlog za promjenu Statuta može podnijeti gradonačelnik, stalna radna tijela Gradskog vijeća i jedna trećina vijećnika Gradskog vijeća i stava (3) istog člana kojim je propisano da prijedlog mora biti obrazložen, te da se u pismenoj formi podnosi predsjedavajućem Gradskog vijeća.

#### II RAZLOZI DONOŠENJA

U skladu s članom 65. i 66. stav 3. Zakona o pravima, obavezama i odgovornostima pacijenata („Službene novine Federacije BiH“ broj 40/10) lokalne zajednice su dužne da osnuju Zdravstveni savjet, a bliže određivanje broja i satava članova Zdravstvenog savjeta, mandat, način izbora, kao i način finansiranja Zdravstvenog savjeta određuje se Statutom općine/grada.

Kako Statutom Grada Bihaća gore navedeno nije propisano, a postoji zakonska obaveza osnivanja Zdravstvenog savjeta od strane gradonačelnika, gradonačelnik podnosi ovaj prijedlog za projenu Statuta Grada Bihaća u cilju usklađivanja Statuta sa odredbama Zakonom o pravima, obavezama i odgovornostima pacijenata.

### III PRIJEDLOG

Ovim prijedlogom predlažu se promjene Statuta Grada Bihaća koje se odnose na:

DIO SEDAMNAESTI – ODNOS GRADA I GRAĐANA kako slijedi:

U Statutu Grada Bihaća („Službeni glasnik Grada Bihaća“ broj 13/15 i 18/15) iza člana 156. dodaju se novi članovi koji glase:

„Član 156a.  
(Osnivanje Zdravstvenog savjeta)

U cilju ostvarivanja i unapređenje prava pacijenata, kao društvene brige za zdravlje na području Grada Bihaća gradonačelnik Grada Bihaća osnovat će Zdravstveni savjet.

Član 156b.  
(Djelokrug rada Zdravstvenog savjeta)

Zdravstveni savjet obavlja sljedeće poslove:

- a) predlaže i evaluira sprovođenje zdravstvene zaštite na području jedinice lokalne samouprave,
- b) daje mišljenje na planove i programe zdravstvene zaštite za područje lokalne samouprave, te predlaže mjere za poboljšanje dostupnosti i kvaliteta zdravstvene zaštite na svom području,
- c) prati primjenu propisa na području jedinice lokalne samouprave koji se odnose na zaštitu prava i interesa pacijenata,
- d) organizuje obrazovne kurseve za građanstvo iz poznavanja materije o pravima pacijenata i postojeće legislative,
- e) daje preporuke za organizaciju kurseva u zdravstvenim ustanovama radi upoznavanja rukovodstva i zdravstvenih radnika s konceptom prava pacijenata, legislativom i odgovarajućim nužnim promjenama u zdravstvenim ustanovama,
- f) prati povrede pojedinačnih prava pacijenata na području jedinice lokalne samouprave,
- g) predlaže preduzimanje mjera za zaštitu i unapređenje prava pacijenata na području jedinice lokalne samouprave,

- h) bez odgađanja obavještava Zdravstveni savjet u kantonalnom ministarstvu o slučajevima težih povreda prava pacijenata koje mogu ugroziti život ili zdravlje pacijenata,
- i) podnosi Gradskom vijeću godišnji izvještaj o svom radu,
- j) obavještava javnost o povredama prava pacijenata,
- k) obavlja druge poslove određene ovim Zakonom o pravima, obavezama i odgovornostima pacijenata.

#### Član 156c.

(Ovlaštenja Zdravstvenog savjeta)

- (1) U obavljanju poslova iz djelokruga rada, zdravstveni savjet je ovlašten upozoravati, predlagati, i davati preporuke.
- (2) Odnos Zdravstvenog savjeta sa nadležnim organima državne uprave, organima mjesne samouprave, nadležnim ministarstvima, zdravstva, zavodima zdravstvenog osiguranja, zdravstvenim ustanovama, privatnim praksama, komorama iz oblasti zdravstva zasnivaju se na ovlaštenjima utvrđenim u članu 69. Zakona o pravima, obavezama i odgovornostima pacijenata i ovim Statutom.

#### Član 156d.

(Broj, izbor i mandat članova Zdravstvenog savjeta)

- (1) Zdravstveni savjet ima 9 (devet) članova uključujući i predsjednika koji se imenuju iz reda zdravstvenih i nezdravstvenih struka.
- (2) Izbor članova Zdravstvenog savjeta vrši se nakon objavljenog javnog poziva, koji raspisuje gradonačelnik.
- (3) Gradonačelnik je dužan raspisati javni poziv u roku od 90 dana od dana stupanja na snagu Statutarne odluke.
- (4) Kandidat za člana Zdravstvenog savjeta treba da ispunjava slijedeće uslove:

- da ima završenu visoku školsku spremu (VSS);
- da je stariji od 18 godina;
- da je državljanin Bosne i Hercegovine;
- da ima prijavljenu adresu prebivališta na području grada Bihaća;
- da ima najmanje 3 (tri) godine radnog iskustva u instituciji, ustanovi, udruženju, nevladinoj organizaciji ili sindikatu ispred kojeg se kandiduje;
- da uživa ugled i ima evidentne rezultate rada u oblasti u kojoj djeluje.

(5) Gradonačelnik će imenovati Komisiju za provođenje javnog poziva, koja će na osnovu pristiglih prijava sačiniti listu kandidata koji ispunjavaju uslove javnog poziva, te istu dostaviti gradonačelniku.

(6) Gradonačelnik svojim rješenjem imenuje predsjednika i članove Zdravstvenog savjeta iz reda kandidata koji ispunjavaju uslove javnog poziva, a isto će biti objavljeno u „Službenom glasniku Grada Bihaća“

- (7) U procesu imenovanja članova Zdravstvenog savjeta gradonačelnik će se brinuti o ravnopravnoj zastupljenosti oba pola.
- (8) Članovi Zdravstvenog savjeta imenuju se na period od 4 (četiri) godine sa mogućnošću reizbora.
- (9) Predsjedniku i članovima Zdravstvenog savjeta mandate može prestati i prije isteka roka na koji su imenovani
- smrću,
  - na lični obrazloženi zahtjev,
  - ukoliko neopravdano ne prisustvuju sjednicama,
  - ukoliko odjave prebivalište sa područja grada Bihaća,
  - na obrazloženi prijedlog predsjednika
  - ili iz drugih razloga.
- (10) Imenovanje novog predsjednika/člana/članova izvršiće gradonačelnik raspisivanjem javnog poziva.

Član 156e.  
(Sastav Zdravstvenog savjeta)

Članovi Zdravstvenog savjeta imenovaće se iz reda:

- a) pacijenata,
- b) mladih,
- c) gradskog organa uprave,
- d) komora iz oblasti zdravstva,
- e) udruženja za zaštitu prava pacijenata,
- f) stručnih udruženja,
- g) sindikata zdravstvenih ustanova,
- h) crvenog krsta/križa s područja grada,
- i) zdravstvenih radnika privatnih praksi na području grada.

Član 156f.  
(Način rada Zdravstvenog savjeta)

- (1) Zdravstveni savjet donosi Poslovnik o radu Zdravstvenog savjeta kojim se pobliže određuje organizacija i način rada.
- (2) Administrativno-tehničke poslove za potrebe Zdravstvenog savjeta obavljaće Služba za civilnu zaštitu, stručne i zajedničke poslove.
- (3) Zdravstveni savjet predlaže Gradskom vijeću Plan i program rada za svaku kalendarsku godinu najkasnije do 31.01. tekuće godine.
- (4) O svom radu i aktivnostima Zdravstveni savjet svake godine podnosi Izvještaj Gradskom vijeću najkasnije do 31.03. tekuće godine za prethodnu godinu.

Član 156g.  
(Naknada za rad članovima Zdravstvenog savjeta)

Članovima Zdravstvenog savjeta pripada naknada za rad koja će biti utvrđena rješenjem gradonačelnika, a sredstva za rad Zdravstvenog savjeta biće obezbjeđena u Budžetu Grada Bihaća.

Član 156h.  
(Čuvanje službene tajne)

Članovi Zdravstvenog savjeta u svom radu obavezni su postupati tako da ne ugroze obavezu čuvanja službene tajne, o čemu daju izjavu.”

#### IV FINANCIJSKI EFEKTI

Za realizaciju ovog prijedloga promjena Statuta Grada Bihaća potrebna su finansijska sredstva koja će biti obezbjeđena u Budžetu Grada Bihaća.

#### V POSTUPANJE PO PRIJEDLOGU

S obzirom na pravni osnov i razloge donošenja predlažemo da Gradsko vijeće provede raspravu o predloženom prijedlogu i uputi isti u daljnju procedure.

Dostavljeno:  
1. Naslovu  
2. a/a

Gradonačelnik:  
Šuhret Fazlić

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj 49/06 i 51/09) i člana 149. Statuta Grada Bihaća („Službeni glasnik Grada Bihaća“ broj 13/15 i 18/15) Gradsko vijeće Bihać na \_\_\_\_\_ održanoj sjednici dana \_\_\_\_\_ godine, donijelo je

**O D L U K U**  
o pristupanju promjenama Statuta Grada Bihaća

Član 1.

Prihvata se prijedlog gradonačelnika Grada Bihaća za promjenu Statuta Grada Bihaća („Službeni glasnik Grada Bihaća“ broj 13/15 i 18/15) kojom se Statut Grada Bihaća usklađuje sa Zakonom o pravima, obavezama i odgovornostima pacijenata („Službene novine Federacije BiH“ broj 40/10).

Član 2.

Prihvata se prijedlog gradonačelnika Grada Bihaća za promjenu Statuta Grada Bihaća („Službeni glasnik Grada Bihaća“ broj 13/15 i 18/15) kojom se propisuje osnivanje Zdravstvenog savjeta, broj i sastav članova Zdravstvenog savjeta, mandat, način izbora i financiranje Zdravstvenog savjeta.

Član 3.

Obavezuje se Statutarna komisija Gradskog vijeća Grada Bihaća da, u skladu s ovom Odlukom i podnesenim prijedlogom ovlaštenog predlagača, izvrši potrebne pripreme za izradu nacrtu Statutarne odluke o promjeni Statuta Grada Bihaća i dostavi je na razmatranje Gradskom vijeću u roku od 30 dana od dana donošenja ove Odluke.

Član 4.

Prihvaćeni prijedlog za promjenu Statuta Grada Bihaća dostaviće se vijećnicima Gradskog vijeća, organima mjesnih zajednica, udruženjima koja djeluju na području grada Bihaća radi vođenja javne rasprave o predloženim promjenama i davanju primjedbi i prijedloga.

Član 5.

Ova Odluka stupa na snagu osmog dana od dana objave u Službenom glasniku Grada Bihaća.

Broj:  
Datum:

Predsjedavajući Gradskog vijeća:  
Handukić Zulfikar





izuzev hitne medicinske pomoći, s tim da je dužan u medicinsku dokumentaciju pacijenta unijeti razloge za odbijanje pružanja zdravstvene zaštite, te o tome obavijestiti ravnatelja zdravstvene ustanove, odnosno nositelja odobrenja privatne prakse.

Mjerodavni zdravstveni djelatnik ne može otkazati zdravstvenu zaštitu pacijentu u slučaju pojave zarazne ili psihičke bolesti kod pacijenta, čije bi neliječenje moglo ugroziti zdravlje i život drugih ljudi, kao i širu društvenu zajednicu.

Ako se pacijent ne pridržava obveza iz članka 59. ovog zakona, ravnatelj zdravstvene ustanove, odnosno nositelj odobrenja privatne prakse dužan je o tome obavijestiti ministarstvo unutarnjih poslova, mjerodavno prema mjestu stanovanja pacijenta, suglasno posebnom zakonu.

#### V. OSIGURANJE ZAŠTITE PRAVA PACIJENATA U ZDRAVSTVENIM USTANOVAMA ODNOSNO PRIVATNIM PRAKSAMA

##### Članak 61.

Radi osiguranja primjene i praćenja poštivanja prava pacijenata, zdravstvene ustanove dužne su formirati povjerenstvo za prigovore pacijenata (u daljnjem tekstu: Povjerenstvo).

Prilikom formiranja Povjerenstva iz stavka 1. ovog članka poštovat će se načelo odražavanja ravnopravne zastupljenosti oba spola.

Mandat, način izbora, kao i način financiranja Povjerenstva iz stavka 1. ovog članka uređuje se statutom zdravstvene ustanove.

Dvije ili više zdravstvenih ustanova mogu imenovati zajedničko Povjerenstvo iz stavka 1. ovog članka.

Odredbе ovog članka shodno se primjenjuju i na privatnu praksu, tako da je ista obvezna osigurati u svom radu obavljanje poslova i zadataka Povjerenstva iz stavka 1. ovog članka.

##### Članak 62.

Povjerenstvo imenuje ravnatelj zdravstvene ustanove.

Djelokrug rada Povjerenstva je:

- pravovremeno razmatra prigovore pacijenata i sačinjava izvješćenja na izjavljene prigovore za ravnatelja zdravstvene ustanove,
- vodi evidencije o vrstama i učestalosti prigovora po organizacionim jedinicama i na razini cijele zdravstvene ustanove,
- analizira statistiku prigovora i izvlači pouke za praksu,
- prati aktivnosti na unapređenju zaštite i poštivanja prava pacijenata na razini zdravstvene ustanove kao rezultat prigovora,
- analizira pohvale i sugestije pacijenata, s ciljem da se postojeća dobra praksa još više afirmira i razmjenjuje između organizacionih jedinica zdravstvene ustanove,
- obavlja i druge poslove suglasno općem aktu zdravstvene ustanove.

##### Članak 63.

Povjerenstvo za kvalitetu i sigurnost zdravstvenih usluga koje je imenovano u zdravstvenoj ustanovu suglasno propisima o sustavu poboljšanja kvalitete, sigurnosti i o akreditaciji u zdravstvu može obavljati poslove i zadatke i u oblasti zaštite prava pacijenata, a suglasno općim aktima zdravstvene ustanove.

Povjerenstvo iz stavka 1. ovog članka, u kontekstu odredbi ovog zakona, obavlja sljedeće poslove:

- prati, razmatra i predlaže mjere za unapređenje zaštite prava pacijenata na temelju unutarnje provjere kvalitete i sigurnosti zdravstvenih usluga koji su propisani odgovarajućim akreditacijskim standardima i kriterijima,
- analizira i ocjenjuje primjenu predloženih mjera,
- surađuje sa Povjerenstvom za prigovore pacijenata, uvezuje podatke o prigovorima pacijenata sa podacima o incidentima (nepovoljnim događajima) i sudskim postupcima u cilju upravljanja kliničkim i nekliničkim rizicima.

##### Članak 64.

Zdravstvene ustanove i privatne prakse obvezne su jednom u šest mjeseci dostavljati mjerodavnom zdravstvenom savjetu jedinice lokalne samouprave, kao i mjerodavnom zdravstvenom savjetu kantonalnog ministarstva zdravstva (u daljnjem tekstu: kantonalno ministarstvo), prema sjedištu zdravstvene ustanove odnosno privatne prakse, izvješće o zaprimljenim i riješenim prigovorima pacijenata, uključujući i uvezivanje podataka o prigovorima sa podacima o incidentima (nepovoljnim događajima) i sudskim postupcima.

#### VI. ZDRAVSTVENI SAVJETI U JEDINICI LOKALNE SAMOUPRAVE I MINISTARSTVIMA ZDRAVSTVA

##### Članak 65.

U cilju ostvarivanja i unapređenja prava pacijenata osnivaju se zdravstveni savjeti jedinica lokalne samouprave, kantonalnog ministarstva i Federalnog ministarstva zdravstva (u daljnjem tekstu: Federalno ministarstvo).

##### Članak 66.

Na razini lokalne samouprave osniva se zdravstveni savjet koji broji najmanje osam članova iz reda zdravstvenih i nezdravstvenih struka.

Prilikom osnivanja savjeta iz stavka 1. ovog članka poštovat će se načelo odražavanja ravnopravne zastupljenosti oba spola.

Blíže određenje broja i sastava članova zdravstvenog savjeta, mandat, način izbora, kao i način financiranja zdravstvenog savjeta određuje se statutom općine.

Na temelju javnog poziva, savjet iz stavka 1. ovog članka imenuje općinski načelnik i to, u pravilu, predstavnika iz redova pacijenata, mladih, jedinice lokalne samouprave, komora iz oblasti zdravstva, stručnih udruga, udruga za zaštitu prava pacijenata, sindikata, zdravstvenih ustanova odnosno privatnih praksi, crvenog križa/krsta s područja jedinice lokalne samouprave.

##### Članak 67.

Zdravstveni savjet obavlja sljedeće poslove:

- predlaže i evaluira provođenje zdravstvene zaštite na području jedinice lokalne samouprave,
- daje mišljenje na planove i programe zdravstvene zaštite za područje lokalne samouprave, te predlaže mjere za poboljšanje dostupnosti i kvalitete zdravstvene zaštite na svom području,
- prati primjenu propisa na području jedinice lokalne samouprave koji se odnose na zaštitu prava i interesa pacijenata,
- organizira obrazovne tečajeve za građanstvo iz poznavanja materije o pravima pacijenata i postojeće legislativne,
- daje preporuke za organizaciju tečajeva u zdravstvenim ustanovama radi upoznavanja rukovodstva i zdravstvenih djelatnika s konceptom prava pacijenata, legislativom i odgovarajućim nužnim promjenama u zdravstvenim ustanovama,
- prati povrede pojedinačnih prava pacijenata na području jedinice lokalne samouprave,
- predlaže poduzimanje mjera za zaštitu i unapređenje prava pacijenata na području jedinice lokalne samouprave,
- bez odgađanja obavještava zdravstveni savjet u kantonalnom ministarstvu o slučajevima težih povreda prava pacijenata koje mogu ugroziti život ili zdravlje pacijenata,
- podnosi skupštini jedinice lokalne samouprave i kantonalnom ministarstvu godišnje izvješće o svom radu,
- obavještava javnost o povredama prava pacijenata,
- obavlja druge poslove određene ovim zakonom.

Zdravstveni savjet donosi poslovnik o svome radu kojim se pobliže uređuje organizacija i način rada.

## Članak 68.

Članovi zdravstvenog savjeta u svome radu obvezni su postupati tako da ne ugroze obvezu čuvanja službene tajne.

## Članak 69.

U obavljanju poslova iz svoga djelokruga rada, zdravstveni savjet je ovlašten upozoravati, predlagati i davati preporuke.

Zdravstveni savjet je ovlašten mjerodavnim organima državne uprave, organima lokalne samouprave, mjerodavnim ministarstvima zdravstva, zavodima zdravstvenog osiguranja, zdravstvenim ustanovama, privatnim praksama, komorama iz oblasti zdravstva predlagati poduzimanje mjera za sprječavanje štetnih djelovanja koja ugrožavaju prava i interese pacijenata i zahtijevati izvješće o poduzetim mjerama.

## Članak 70.

U ostvarivanju društvene brige za zaštitu prava pacijenata, u okviru prava i obveza na području kantona, kantonalni ministar osniva i imenuje zdravstveni savjet kantonalnog ministarstva.

Savjet iz stavka 1. ovoga članka ima najmanje osam članova i to, u pravilu, predstavnike iz redova: pacijenata, mladih, kantonalnog ministarstva, komora iz oblasti zdravstva, stručnih udruga, udruga za zaštitu prava pacijenata, sindikata zdravstvenih ustanova odnosno privatnih praksi, crvenog križa/krsta s područja kantona.

Prilikom osnivanja savjeta iz stavka 1. ovog članka poštovat će se načelo odražavanja ravnopravne zastupljenosti oba spola.

Bliže određenje broja i sastava članova zdravstvenog savjeta iz stavka 1. ovog članka, mandat, način izbora, kao i način financiranja zdravstvenog savjeta određuje se propisom kantonalnog ministra.

## Članak 71.

Zdravstveni savjet kantonalnog ministarstva obavlja sljedeće poslove:

- prati provedbu ostvarivanja prava pacijenata suglasno ovome zakonu,
- prati provedbu obrazovnih aktivnosti u vezi sa pravima pacijenata,
- raspravlja o izvješćima zdravstvenih savjeta jedinica područne lokalne samouprave,
- daje mišljenja, preporuke i prijedloge mjerodavnim organima o utvrđenom stanju na području djelokruga rada zdravstvenih savjeta jedinica lokalne samouprave,
- predlaže poduzimanje mjera za izgradnju cjelovitog sustava zaštite i unapređenja prava pacijenata u kantonu odnosno Federaciji,
- daje inicijative za donošenje propisa kojima se unapređuju prava pacijenta, te mišljenje na propise iz ove oblasti koje pripremaju mjerodavni organi vlasti na svim razinama,
- surađuje sa organima i organizacijama iz oblasti zaštite i unapređenja prava pacijenata u Federaciji,
- podnosi kantonalnom ministru zdravstva godišnje izvješće o svom radu,
- obavještava javnost o povredama prava pacijenata,
- obavlja i druge poslove koje mu dodijeli kantonalni ministar sukladno ovom zakonu i propisima donijetim na temelju ovog zakona.

Zdravstveni savjet iz stavka 1. ovoga članka donosi poslovnik o svome radu kojim se pobliže uređuje organizacija i način rada.

## Članak 72.

Članovi zdravstvenog savjeta kantonalnog ministarstva u svome radu obvezni su postupati tako da ne ugroze dužnost čuvanja službene tajne.

## Članak 73.

U ostvarivanju društvene brige za zaštitu prava pacijenata, u okviru prava i obveza na teritoriju Federacije, federalni ministar osniva i imenuje zdravstveni savjet Federalnog ministarstva.

Savjet iz stavka 1. ovoga članka ima najmanje osam članova i to, u pravilu, predstavnike iz redova: pacijenata, mladih,

Federalnog ministarstva, komora iz oblasti zdravstva, stručnih udruga, udruga za zaštitu prava pacijenata, sindikata zdravstvenih ustanova odnosno privatnih praksi, crvenog križa/krsta sa teritorija Federacije.

Prilikom osnivanja savjeta iz stavka 1. ovog članka poštovat će se načelo odražavanja ravnopravne zastupljenosti oba spola.

Bliže određenje broja i sastava članova zdravstvenog savjeta iz stavka 1. ovog članka, mandat, način izbora, kao i način financiranja zdravstvenog savjeta određuje se propisom federalnog ministra.

## Članak 74.

Zdravstveni savjet Federalnog ministarstva obavlja sljedeće poslove i zadatke:

- prati provedbu ostvarivanja prava pacijenata suglasno ovome zakonu,
- koordinira sve aktivnosti u oblasti provedbe obrazovnih programa iz zaštite prava pacijenata za građanstvo i zdravstvene ustanove,
- raspravlja o izvješćima zdravstvenih savjeta kantonalnih ministarstava,
- daje mišljenja, preporuke i prijedloge mjerodavnim organima o utvrđenom stanju na području djelokruga rada zdravstvenih savjeta kantonalnih ministarstava,
- predlaže poduzimanje mjera za izgradnju cjelovitog sustava zaštite i unapređenja prava pacijenata u Federaciji odnosno Bosni i Hercegovini,
- daje inicijative za donošenje propisa kojima se unapređuju prava pacijenta, te mišljenje na propise iz ove oblasti koje pripremaju mjerodavni organi vlasti na svim razinama,
- surađuje sa organima vlasti u Bosni i Hercegovini i domaćim i međunarodnim organizacijama iz oblasti zaštite i unapređenja prava pacijenata u Federaciji, Bosni i Hercegovini odnosno inozemstvu,
- podnosi federalnom ministru godišnje izvješće o svom radu,
- obavještava javnost o povredama prava pacijenata,
- obavlja i druge poslove koje mu dodijeli federalni ministar sukladno ovom zakonu i propisima donijetim na temelju ovog zakona.

## Članak 75.

Osiguranja primjene i praćenja poštivanja prava pacijenata prati i mjerodavna zdravstvena inspekcija, zavodi zdravstvenog osiguranja, kao i institucija ombudsmana, te predlažu mjere za unapređenja stanja u ovoj oblasti, kao i otklanjanje uočenih nedostataka, u smislu svojih mjerodavnosti utvrđenih posebnim zakonima.

## VII. KAZNENE ODREDBE

## Članak 76.

Novčanom kaznom u iznosu od 10.000,00 do 15.000,00 KM kaznit će se za prekršaj zdravstvena ustanova ako:

- 1) uskraćuje pravo pacijentu na dostupnost zdravstvene zaštite (članak 7. ovog zakona);
- 2) ne pruži sve vrste informacija iz čl. 8. i 9. ovog zakona;
- 3) uskrati pravo pacijentu na obavještenje iz čl. 10., 11. i 12. ovog zakona;
- 4) prilikom odbijanja prijama obavještenja od strane pacijenta postupi suprotno odredbi čl. 13., 14. i 15. ovog zakona;
- 5) uskrati pravo pacijentu na slobodan izbor doktora medicine odnosno doktora stomatologije, kao i slobodan izbor predloženih medicinskih postupaka i mjera (članak 16. ovog zakona);
- 6) uskrati pravo pacijentu na samoodlučivanje i pristanak (čl.17. do 22. ovog zakona);
- 7) postupi suprotno volji pacijenta iz čl. 23. i 24. ovog zakona;